

四庫全書

史部

欽定四庫全書

史部

歷代建元考卷十九

詳校官編修臣溫汝适

編修臣程嘉謨覆勘

總校官知縣臣楊懋珩

校對官編修臣潘庭筠

謄錄監生臣李崇實

欽定四庫全書

歷代建元考卷九

秀水鍾淵映撰

外國考

柔然

郁久閭氏其先世居北荒元魏號為蠕蠕

受羅部可汗子成以宋大明八年魏和平五年立改元

一

永康

伏名敦可汗豆論子成子以魏太和九年立改元一

太平

候其伏代庫者可汗那蓋以魏太和十六年立改元一

太安

佗汗可汗伏圖那蓋子以魏正始初立改元一

始平

豆羅伏跋豆伐可汗醜奴伏圖子以魏開平初立改元一

建昌

朝鮮

檀君降于太白山以唐堯二十五載戊辰立都平壤徙自岳殷高宗八祀甲子入阿斯達山為神

後朝鮮

箕子殷宗室殷亡率衆五千入朝鮮周因封之都平壤傳至四十代孫否稱王卒子準立為衛滿所逼浮海居韓地金馬郡更號韓王與辰韓弁韓為三韓後百濟王溫祚滅之凡傳國千餘年

衛滿燕人因盧綰亂亡命渡溟水誘逐箕準據平壤仍

歸朝鮮至孫右渠不奉漢詔武帝遣將滅之

新羅

始祖赫居世王朴氏以漢宣帝五鳳元年甲子立都辰韓地在位六十一年薨

南解王始祖太子以漢平帝元始四年甲子立在位二十一年薨

儒理王南解王子以漢更始二年甲申嗣立在位三十四年薨

脫解王南解王婿姓昔氏以漢世祖中元二年丁巳立
在位二十四年薨

婆娑王儒理王子以漢章帝建初五年庚辰立
在位三十三年薨

祇原王婆娑王子以漢安帝永初六年壬子嗣立
在位二十三年薨

逸聖王儒理王子以漢順帝陽嘉三年甲戌嗣立
在位二十二年薨

阿達羅王逸聖王子以漢桓帝永興二年甲午嗣立在位三十一年薨

伐休王昔氏脫解王孫以漢靈帝中平元年甲子立在位十五年薨

奈解王伐休王孫以漢獻帝建安元年丙子嗣立在位三十五年薨

助賁王伐休王太子骨正之子以漢安樂公建興五年丁未立在位十八年薨

沾解王助賁王弟以漢安樂公延熙三年庚申立
在位十五年薨

味鄒王姓金氏助賁王婿以漢安樂公景曜四年辛巳
立
在位二十三年薨

儒理王昔氏以晉武帝太康五年甲辰立
在位十五年薨

基臨王助賁王孫以晉惠帝元康八年戊午立
在位十三年薨

訖解王昔氏後以晉懷帝永嘉元年丁卯立
在位四十七年薨

奈勿王金氏味鄒王弟子以晉穆帝永和十一年乙卯
立
在位四十七年薨

寔聖王金氏以晉安帝元興元年壬寅立後為訖祇王
所弑

訖祇王奈勿王子在位四十二年薨

慈悲王訖祇王子以宋世祖大明二年戊戌立
在位二

十三年薨

昭智王慈悲王子在位十二年薨

智證王

新羅謚
法始此

智大路昭智王再從弟以齊東昏侯永

元二年庚辰立始定國號新羅

前此或
稱斯盧

在位十五年薨

法興王原宗智證王子以梁天監十一年壬辰嗣立在位二十七年薨王以南北分裂始建年號

建元

真興王麥興法興王弟以梁高祖大同六年庚申立在

位三十七年薨改元一

鴻濟

真智王金輪真興王子以陳宣帝大建八年丙申立
在位四年薨

真平王伯淨真智王孫太子銅鑰之子以陳大建十二
年辛丑嗣立在位五十四年薨

善德女主德曼真平王女為國人所立號聖祖皇在位十
六年薨改元一

仁平

真德女主勝曼真平王從女為國人所立 在位八年薨

改元一

太和

後去年號奉
唐永徽正朔

太宗武烈王春秋姓金氏真智王後以唐高宗永徽四年癸丑為國人所立 在位八年薨 王與唐兵滅百濟新羅始大

文武王法敏太宗太子以唐龍朔元年庚申嗣立 與唐

兵滅高句麗始一三韓在位二十年薨

聖明王正文文武王太子以唐高宗永淳元年壬午嗣
立 在位十一年薨

孝昭王理洪聖明王太子以唐嗣聖九年壬辰嗣立 在
位十年薨

聖德王隆基改名興先孝昭王弟以唐嗣聖十九年癸
卯立 在位三十五年薨

按唐自嗣聖元年武后廢中宗稱制尋改國號周

稱皇帝改元十七而東史但書嗣聖正朔立義如
綱目亦良史矣

孝成王承慶聖德王太子以唐玄宗開元二十六年戊
寅嗣立在位六年薨

景德王憲英孝成王弟以唐玄宗天寶二年癸未嗣立
在位二十三年薨

惠恭王乾運景德王太子以唐代宗永泰元年乙巳嗣
立後伊飡志貞作亂上大等金氏良相以兵討之王為

亂兵所殺

宣德王良相奈勿王十世孫以舉兵討亂自立在位五
年薨

元聖王敬信奈勿王十二世孫以唐德宗貞元二年丙
寅為國人所立 在位十三年薨

昭聖王俊邕元聖王孫以唐德宗貞元十五年己卯嗣
立 在位二年薨

哀莊王清明改名重熙昭聖王太子以唐德宗貞元十

六年庚辰嗣立。在位十年。為兵部令彥昇所弒。

憲德王彥昇。昭聖王弟。以唐憲宗元和六年辛卯自立。在位十八年薨。

興德王景徽。憲德王弟。立為太子。以唐文宗太和元年丁未。嗣立。在位十一年。薨。堂弟均真自立。為金明所害。僖康王悌。隆元聖王孫。以唐文宗開成元年丙辰。為金明等所立。三年。遇弒。明自立。為王其國。臣奉均貞之子。祐徵討殺之。

神武王祐徵元聖王孫均貞子以唐文宗開成四年已未立尋薨

文聖王慶膺神武王太子以唐文宗開成五年庚申嗣立
在位十八年薨

憲安王誼靖文聖王弟以唐宣宗大中十一年丁丑立
在位四年薨

景文王膺廉僖康王孫以唐懿宗咸通三年壬午立
在位十四年薨

憲康王暲景文王太子以唐僖宗乾符三年丙子嗣立
在位十二年薨

定康王晁憲康王弟以唐僖宗光啓二年丙寅立二年薨
真聖女主曼定康王女弟以唐僖宗文德元年戊申立
在位十二年薨

泰封王弓裔

通鑑作躬又

憲安王孽子以重午日生於外家

長為僧眇一目遂聚衆反于北原都松岳郡復移鐵圓
自立為王後十八年其將王建為衆所推裔出走為野

人所殺

後百濟王甄萱李氏尚州加恩縣人自稱甄萱叛據完
山州自立為王後三十年為其子神劔所幽逃歸高麗
國王建討平之神劔國遂滅

孝恭王峽憲康王庶子真聖立為太子以唐昭宗光化
元年戊午嗣立在位十六年薨

神德王景輝朴氏阿達羅王遠孫以癸酉歲為國人所
立六年薨

景明王昇英神德王子以丁丑歲嗣立八年薨

景哀王魏膺景明王弟以後唐同光二年甲申立後甄萱襲陷王都遇弑

敬順王傳姓金氏文聖王後以後唐天成二年丁亥為甄萱所立八年以國降于高麗王建

右新羅朴氏十主昔氏八主金氏三十七主合五十五主共九百九十二年

高句麗

始祖東明王朱蒙其母柳花河伯女為日影所照娠而生一卵有男破卵而出名朱蒙扶餘王金蛙諸子忌之遁至卒本扶餘其王妻一女王薨以漢元帝建昭二年甲申自立自稱高辛氏之後國號高句麗因姓高王薨太子類利立

琉璃明王類利始祖在東扶餘所生子後至卒本立為太子得嗣位至王莽偽天鳳五年戊寅薨

太武神王無恤琉璃明王太子以王莽天鳳五年戊寅

嗣立在位二十八年薨

閔中王解邑朱太武神王幼子以漢世祖建武二十一年乙巳立在位三年薨

慕本王解憂太武神王太子以漢世祖建武二十四年戊申立在位六年為杜魯所弑

太祖王宮琉璃明王孫以漢世祖建武二十九年癸丑立在位九十三年傳位于弟遂成薨

次大王遂成太祖王弟以漢質帝本初元年丙戌立後

為臨明答天所弒

新大王伯固次大王弟為臨丁答夫所立在位十五年
薨

故國川王男武新大王太子在位十九年薨

山上王延優故國川王弟為故國川王于后所立在位
三十一年薨

東川王優位居山上王太子以漢安樂公建興五年丁
未立在位二十二年薨

中川王然弗東川王太子以漢安樂公延熙十一年戊辰立
在位二十三年薨

西川王藥盧中川王子以晉世祖泰始六年庚寅立
在位二十三年薨

烽上王相夫西川王太子以晉惠帝元康二年壬子立
為國相倉卒利所弑

美川王乙弗烽上王弟子以晉惠帝永康元年庚申立
在位二十三年薨

故國原王思由美川王太子以晉成帝咸和六年辛卯立改名釗在位四十一年與百濟戰中流矢薨

小獸林王丘夫故國原王太子以晉太宗咸安元年辛未立在位十五年薨

故國壤王伊連小獸林王弟以晉烈宗大元九年甲申立在位九年薨

廣開土王談德故國壤王太子以晉烈宗大元十七年壬辰立在位二十二年薨

長壽王巨璉廣開土王太子以晉安帝義熙九年癸丑

立在位七十九年薨魏高祖冊謚為康王

北史止稱璉
自璉至元

與北史無異但封
爵及名字不同耳

文啓王羅雲

北史
雲

長壽王太孫以齊武帝永明元年癸

亥立在位二十九年薨

安藏王興安

北史
安

文啓王太子以梁高祖天監八年己

丑立在位十三年薨

安延王寶延

北史
延

安藏王弟以梁天監二十年辛丑立

在位十五年薨

陽原王平成

北史成

安延王太子以梁天監二十一年壬

寅立在位十五年薨

平原王陽成

北史陽

陽原王太子以陳高祖永定三年己

卯立在位二十三年薨

嬰陽王元平原王太子以隋高祖開皇十年庚戌立在

位十九年隋煬帝率師來伐不克

營留王建武嬰陽王異母弟以唐高祖武德元年戊寅

立 在位二十五年為其臣蓋蘇文所弑

寶藏王藏營留王之姪以唐太宗貞觀十六年壬寅立
太宗親帥師來伐不克後至唐高宗總章元年戊辰唐
將李勣拔平壤王浮于京師高麗亡

右高句麗高氏二十八王共七百五年

百濟

與北史
不同

始祖溫祚高句麗朱蒙之子朱蒙以類利為太子溫祚
恐見忌南行至河南慰禮城以漢成帝鴻嘉三年癸卯

立為王國號百濟氏扶餘徙南漢山城又徙南平壤城
薨

多婁王始祖太子以漢世祖建武四年戊子嗣立在位
四十年薨

已婁王多婁王太子嗣立二十五年薨

蓋婁王已婁王太子薨子肖古王立

肖古王蓋婁王子以漢桓帝延熹九年乙巳立在位四
十九年薨

仇首王肖古王子以漢獻帝建安十九年甲午立
在位二十一年薨

古爾王仇首王弟以漢安樂公建興十二年癸丑立
在位五十五年薨

責稽王古爾王子以晉世祖太康九年戊申立
在位三年為貊兵所害

汾西王責稽王子以晉惠帝元康八年戊午立
在位七年為刺客所殺

比流王仇首王子以晉懷帝永嘉九年丁卯為國人所
立 在位四十一年薨

契王汾西王子以晉康帝建元二年甲辰 在位二年
薨

近肖古王比流王子以晉穆帝永和二年丙午 在位
三十年薨

近仇首王近肖古王子以晉烈宗寧康三年乙亥 在
位十年薨

枕流王近仇首王子以晉烈宗大元九年甲申立在位
一年薨

辰斯王枕流王弟以晉烈宗大元十年乙酉立在位八
年因獵薨于行營

阿革王以晉烈宗大元十八年癸巳立在位十四年薨
腆支王阿萃王太子以晉安帝義熙元年乙巳立在位
十六年薨

久爾辛王腆支王子以宋高祖永初元年庚申立在位

八年薨

毗有王久爾辛王子以宋太祖元嘉四年丁卯立
在位
二十九年薨

蓋鹵王餘慶毗有王子嗣立為高句麗王巨璉所殺

文周王蓋鹵王太子以宋蒼梧王元徽三年乙卯立為
兵官佐平解仇所殺

三斤王文周王太子以宋順帝昇明元年丁巳立三年

薨

東城王牟大文周王之弟子以宋順帝昇明三年己未立為其臣苟加所弑

武寧王餘隆東城王太子以齊和帝中興元年辛巳討賊嗣立薨子明農立

聖明王農武寧王子嗣位以梁元帝承聖二年癸酉率兵侵新羅被殺

威德王昌聖王子以梁承聖三年甲戌立 在位四十五年薨

惠王季明威德王子嗣位二年薨

法王宣惠王子嗣位二年薨

武王璋法王子嗣位二十四年薨

義慈王武王太子嗣位後唐兵來伐拔都城王詣軍門
降未幾宗室復福信等起兵迎立義慈之子豐為兵敗
奔高句麗百濟亡

右百濟二十八王共七百五年

高麗

王氏

太祖神聖王建新羅松嶽郡人為弓裔侍中以弓裔十八年丁丑為諸將所立十八年丁未新羅來降丙申平甄氏在位二十六年薨改元一

天授

惠宗義恭王太祖太子以甲辰嗣立在位二年薨

定宗文明王堯太祖第二子以丙申嗣立在位四年薨
定宗二年始行後漢年號

光宗文成王昭太祖子以辛亥嗣立在位二十六年薨

光宗二年始行後周年號

光宗十四年始行宋年號

景宗獻和王伯光宗太子以宋太平興國元年丙子嗣
立 在位六年薨

成宗文懿王治太祖孫以宋太宗太平興國七年壬午
嗣 立 在 位 十 五 年 薨

成宗十二年始行契丹年號

穆宗宣讓王誦景宗太子以宋真宗咸平元年戊戌嗣

立 在位十二年西北面巡檢使廢王為讓國公尋弑之
顯宗元文王詢太祖孫安宗郁之子初封大梁君以宋
真宗大中祥符三年庚戌為康兆所立 在位二十二年
薨

顯宗五年復行宋年號

德宗敬康王欽顯宗太子以宋仁宗明道元年壬申嗣
立 在位三年傳位于弟平壤君薨

靖宗容惠王亨德宗母弟以宋仁宗景祐二年乙亥嗣

立在位十二年薨

仁宗文孝王徽顯宗子初封樂浪君以宋仁宗慶曆七年丁亥嗣立在位三十七年薨太子順宗即位薨于喪次宣宗思孝王運順宗母弟初封國原公以宋仁宗元豐八年乙丑立在位十一年薨

獻宗恭殤王昱宣宗元子以宋哲宗紹聖二年乙亥嗣立尋禪位于叔父鷄林公熙

肅宗明孝王顯初名熙以宋哲宗紹聖二年乙亥立在

位十年薨

睿宗文孝王侯肅宗太子以宋徽宗崇寧五年丙戌嗣
立在位十七年薨

仁宗恭孝王楷睿宗太子以癸卯嗣立在位二十四年
薨

十三年妖僧妙清柳卬與西京分司侍郎趙匡等反據
西京國號大為王命同平章事金富軾等討平之偽元

一

天開

毅宗莊孝王晚仁宗太子以宋高宗紹興十七年丁卯
嗣立在位二十四年為武臣鄭仲夫等所廢遇弑

明宗光孝王皓毅宗母弟初封翼陽公以宋孝宗乾道
七年辛卯立在位二十七年為將軍崔忠獻所廢薨于

昌樂公宮

神宗靖孝王旻明宗弟初封平梁公以宋寧宗慶元四
年戊午立在位七年傳位太子薨

熙宗成孝王諡神宗太子以宋寧宗開禧元年乙丑嗣
立 在位五年為崔忠獻所廢至高宗二十四年薨

康宗元孝王禛明宗故太子熙宗時封漢南公以宋寧
宗嘉定五年壬申立 在位二年傳位太子薨

高宗安孝王曦康宗太子以宋寧宗嘉定七年甲戌嗣
立 在位四十六年薨

元宗順孝王植本名僖高宗太子以宋理宗景定元年
庚申嗣立十年為臣林衍所廢尋復位十五年薨

忠烈王諱改名昺元宗太子以宋少帝焜德祐元年乙亥嗣立二十四年元使王傳位世子封逸壽王尋復位三十四年薨

按高麗自元宗後服屬蒙古去廟號貶制度從其命也

忠宣王璋本名諒忠烈王世子以元武宗至大二年己酉嗣立即位五年傳位于次子江臨君燾稱為上王

元流

吐蕃後召
還大都薨

忠肅王燾忠宣王次子以元仁宗延祐元年甲寅嗣立
十七年元以世子貞為國王稱上王後二年復位又八
年薨

忠惠王貞忠肅王世子以元文宗至順二年辛未為元
所立明年遜位後元順帝至元六年庚辰復嗣立在位
四年為元流于揚揭陽道薨

忠穆王昕忠惠王元子以元順帝至正元年辛巳嗣立
在位四年薨

忠定王眡忠惠王子以元順帝至正五年乙酉立
在位二年元以江陵大君祺為王王遜于江華
一年遇醜虜恭愍王顥本名祺忠惠王母弟封
江陵大君以元順帝至正十二年壬辰立
在位二十三年為宦者崔萬生幸臣洪倫等
所弑恭愍王十八年停元至正年號行明
洪武年號

辛禡小字牟尼奴本嬖臣辛朏之子恭愍稱
為己子以明太祖洪武八年乙卯立
在位十四年謀寇遼東大臣

李成桂放之于江華立其子昌二年昌廢與禍同被害
辛禡元年始行北元宣光年號

恭讓王瑤神宗七世孫封定昌院君以明太祖洪武二
十二年己巳立在此位四年禪位于門下侍中李成桂高
麗亡

右高麗三十二王共四百七十五年

首唐末戊寅
訖明洪武壬

申

今朝鮮 李氏

太祖康獻王旦本名成桂全州人仕高麗為門下侍郎以明太祖洪武二十二年壬申受禪三十一年戊寅傳位于世子後薨

太宗恭定王芳遠太祖世子以明洪武三十一年戊寅嗣立成祖永樂十六年戊戌傳位于世子薨

莊憲王禔太宗世子以明成祖永樂十六年戊戌嗣立明代宗景泰元年庚午薨

恭順王昫莊憲王子以明代宗景泰元年庚午嗣立三

年薨

王弘暉恭順王子以明代宗景泰三年壬申嗣立七年丙子遜位于其叔瑀

惠莊王瑀恭順王弟以代宗景泰七年丙子立憲宗成化四年戊子薨

襄悼王暉惠莊王次子以明憲宗成化四年戊子嗣立六年庚寅薨

康靖王妾惠莊王孫故世子懷簡王暉之子以明憲宗

成化六年庚寅嗣立孝宗弘治七年甲寅薨

王愷康靖王世子以明孝宗弘治七年甲寅嗣立十六年癸巳遜位于弟懌

恭僖王懌康靖王子初封晉成君以明孝宗弘治十六年癸亥立世宗嘉靖二十四年乙巳薨

榮靖王岵恭僖王弟以明世宗嘉靖二十四年乙巳立
明年薨

恭憲王岷榮靖王弟以明世宗嘉靖二十五年丙午立

穆宗隆慶元年丁卯薨

昭敬王肱恭憲王從子以明穆宗隆慶元年丁卯立神宗萬曆二十年壬辰倭人陷王京王出奔後以明兵外援得復國在位四十年以萬曆三十六年戊申薨

王暉昭敬王次子初封光海君以明萬曆三十六年戊申立熹宗天啓三年癸亥所姪侏所弑

王宗昭敬王孫定遠君之子初封陵陽君以明天啓三年癸亥弑其君暉自立

按朝鮮自漢唐以來世奉中朝正朔其改元者惟
新羅四王高麗太祖耳玉海載高麗延祥正豐二
年號未知何代然以其東方禮義之國傳次昭然
可補史乘之闕因備載之

渤海 大氏

高王大祚榮本靺鞨種其先附高句麗唐滅高氏祚榮
收其遺衆盡得扶餘沃沮并韓朝鮮之地稱震國王以
唐玄宗開元七年己未卒

武王武藝高王子以唐玄宗開元七年己未嗣立改元

一

仁安

文王欽茂武王子以唐玄宗開元二十六年戊寅立天寶末年徙上京又徙東京以唐德宗貞元時卒改元一

大興

廢王亢義文王族弟立一歲國人殺之

成王華嶼文王孫為國人所立復還上京卒改元一

中興

康王嵩鄰成王少子改元一

正歷

定王元瑜康王子改元一

永德

僖王言義定王弟嗣立改元一

朱雀

簡王明忠僖王弟立一歲卒改元一

太始

宣王仁秀簡王從父嗣立至唐文宗太和四年庚戌卒

改元一

建興

王彛震宣王孫嗣立改元一

咸和

王處晃王彛震弟嗣立卒

王玄錫嗣立卒

王諲譔嗣立以後唐明宗天成元年丙戌為契丹太祖
安巴堅所滅

右渤海以唐武后時建國至後唐時亡

吐蕃

在吐谷渾西南唐初始見
于中國 王日贊普論姓

可黎可足贊普立改元一

彝泰

新唐書長慶元年大理卿劉元鼎為盟會使入吐
蕃定盟策署彝泰七年餘無可考

定安 附

定安國王烏玄明本馬韓遺種宋太祖時建國于西鄙
稱王入貢改元一

元興

于闐 在沙州外

大寶于闐國王李聖天不知其傳次改元可考者一

同慶

五代史晉天福三年遣供奉官張匡鄴判官高居

誨冊聖天為大寶于闐王行二歲至于闐其年號
同慶二十九年蓋中國之天福五年也

歷代建元考卷九

欽定四庫全書

歷代建元考卷十

秀水鍾淵映撰

外國考

日本

天御中主

天材雲尊

天八重雲尊

天彌聞尊

天忍勝尊

瞻波尊

萬魂尊

利刹魂尊

國狹槌尊

角龔魂尊

汲津舟尊

面垂見尊

國常立尊

天鑑尊

天萬尊

珠名杵尊

伊裝諾尊

素戔為尊

天照太神尊

正哉吾勝連目天押穗耳尊

天彥尊

天炎尊

彥瀲尊

以上凡二十三世並都于筑紫日向宮

神武天皇彥瀲尊第四子以周僖王甲寅即位自筑紫入居太和州橿原宮

申叔舟海東諸國紀神武天皇名狹野以周幽王十一年生四十九年戊午入大倭州盡除中洲賊

衆五十三年辛酉正月庚申始號天皇在位七十
六年壽一百二十七歲

綏靖天皇神武天皇第三子在位三十三年

安寧天皇綏靖太子在位三十八年

懿德天皇安寧第三子在位三十四年

孝昭天皇懿德太子在位八十三年壽一百十八歲

孝安天皇孝昭第二子在位一百有二年壽一百三十

七歲

孝靈天皇孝安太子在位七十六年壽一百十五歲

七十二年壬午秦始皇遣徐福入海求仙福至紀

伊州居馬崇神中死而為神

孝元天皇孝靈太子在位五十七年壽一百十七歲

開化天皇孝元第二子在位六十年壽一百十五歲

崇神天皇開化第二子在位六十八年壽一百二十歲

垂仁天皇崇神第三子在位九十九年壽一百四十歲

景行天皇垂仁第三子在位六十年壽一百有六歲

成務天皇景行第四子在位六十一年壽一百一十一歲

仲哀天皇景行孫在位九年

神功天皇開化天皇五世孫息長宿稱女仲哀納為后
仲哀歿遂主國事在位六十九年壽一百歲

應神天皇仲哀第四子母神功在位四十一年壽一百
有十歲

仁德天皇應神第四子應神歿二年無主乃立在位八
十七年壽一百有十歲

履中天皇仁德太子在位六年

返正天皇仁德次子在位六年

允恭天皇仁德第三子在位四十三年

安康天皇允恭第二子初允恭立太子以性惡殺之立
安康安康立殺仁德之子大草香王而娶其妻為后其
子眉輪王殺之在位三年

雄略天王名大泊瀨稚武允恭第四子在位二十三年
壽一百有四歲

清寧天皇雄略第三子在位五年

飯豐天皇清寧女弟即位是冬歿國人以小楯迎顯宗
立之

顯宗天皇履中孫在位三年

仁賢天皇名大脚顯宗同母兄先是飯豐歿讓位顯宗
至是立在位十一年

武烈天皇仁賢太子在位八年

繼體天皇應仁五世孫立十六年始建年號在位二十

五年改元三

善化

正和

發口

安間天皇繼體第二子繼體歿二年無主乃立仍用發口紀元在位二年

宣化天皇繼體第三子在位四年改元一

僧聽

欽明天皇一名天國排開廣庭天皇宣化長子以梁高祖大同八年壬戌立十一年始傳佛法于百濟在位三

十二年改元八

同要

貴樂

結清

兄弟

藏和

師安

和僧

金光

敏達天皇

一作遠海

欽明第二子在位十四年改元三

賢接

元年仍用金光立五年乃改

鏡當

勝照

用明天皇欽明第四子立隋開皇中仍用勝照紀年在位二年

崇俊天皇欽明第五子在位五年改元一

端政

推古天皇欽明孫女敏達納為后至是立
在位三十六年改元六

從貴

頌轉

光元

定居

倭京

仁至

舒明天皇敏達孫名田村在位十三年改元三

聖德

僧要

命長

皇極天皇敏達曾孫女舒明納為后以壬寅歲立仍用

命長紀年在位三年

孝德天皇以唐永徽元年庚戌立在位十年元年仍以
命長紀年既而改元二

常邑

白雉

齊明天皇即皇極天皇復位仍用白雉紀元在位七年

改元一

白鳳

天智天皇舒明太子母皇極天皇在位十年仍用白鳳

紀年

天武天皇舒明第二子名大海人天智欲禪位辭避吉野山大友皇子謀篡將兵討之遂立在位十五年仍用白鳳紀年後改元二

朱雀

朱鳥

持統天皇天智第二女天武納為后因主國事始更號日本仍用朱鳥紀年在位十年改元一

太和

文武天皇以唐長安元年立改元一

大寶

阿閉天皇文武天皇子

飯依天皇

聖武天皇以唐玄宗開元中立後自稱太上皇傳位于

太子改元二

白龜

天平

孝謙天皇

宋史作孝明天皇今從東鑑

天聖武之女立為太子以唐玄

宗天寶六年丁亥立改元二

太平勝寶 太平寶字

天炊天皇

高野姬天皇聖武天皇女

白璧天皇

桓武天皇以唐德宗建中三年壬戌立改元一

延歷

諾樂天皇

嵯峨天皇

淳和天皇

光仁天皇

宋史作仁明
今從東鑑

以唐文宗太和四年甲戌立改

元一

寶龜

文德天皇

清和天皇立改元二

元慶

天長

陽成天皇

光孝天皇以唐僖宗光啓元年乙巳立

仁和天皇

醍醐天皇立改元二

昌泰

延長

天慶天皇

封上天皇立改元一

康保

冷泉天皇以宋太祖開寶元年戊辰立後傳其子自稱
太上皇改元一

安和

守平天皇冷泉天皇子以宋太宗雍熙初年立改元一

以上凡六
十四世

永延

一條天皇立改元一

長德

元年
丁未

元正天皇立改元一

養老

元年
丁卯

朱雀院天皇改元三

天慶

長曆

承
闕

二條院天皇立改元一

長寬

三條院天皇

後朱雀天皇

後冷泉院天皇後朱雀院天皇太子立改元一

廣平

後一條院天皇立改元一

寬仁

堀河院天皇立改元一

康和

白河院天皇立改元一

承保

深草院天皇

鳥羽院天皇立改元二

元冰

元年
戊戌

保安

元年
庚子

崇德院天皇立改元一

保延

長和

寬弘

延久

寬和

天喜

嘉承

久壽

永保

永久

永萬

大治

寬治

案日本自御中立至守平天皇宋史所載其國奮
然所記者世次最詳一條天皇而下先後莫考今
但據其見于東鑑者書之長和以下十三號并未
詳何主所改矣

仁平

應保

天元

永然

天曆

以上玉海所載案玉海又有天慶延曆永延文治
寬弘永曆大寶諸號俱已見東鑑中

久安

治象

宋周密癸辛雜識嘉定乙亥楊和王墳菴中有日本僧定心藏日本度牒其年紀久安保安治象等號唯保安見東鑑餘二號未詳年代附見於此

高倉院天皇在位四十年以辛丑禪位于太子自稱太上皇改元七

永歷

正歷

承安

保元

平治

安元

治承

安德天皇言仁高倉院第一皇子以治承五年辛丑即位癸卯新主踐阼文治三年丙午以平民作亂歿于海改元二

養和

壽永

後鳥羽院天皇尊成高倉院第四皇子以壽永二年癸卯踐阼建九年乙卯脫屣稱主元應年乙亥崩改元三

元歷

文治

玉海或曰治樣

建久

上御門院天皇為人後鳥羽院第一皇子以建久九年

乙卯即位承元四年庚午脫屣稱上皇至寬喜三年辛卯崩改元五

正治

建仁

元久

建永

承元

順德院天皇守城後鳥羽院第四皇子正治二年立為太子以承元四年庚午即位承元三年辛巳脫屣稱上皇癸未崩改元三

建歷

建保

承久

後掘河院天皇高倉院第二守貞親王御子以承久四年壬午即位去前天照大神尊八十五代醍醐天皇二十四代改元八

貞應

元仁

嘉祿

安貞

寬喜

貞永

天福

文歷

四條院天皇后掘河天皇子以文歷二年乙未即位改元四

嘉貞

應日

延應

仁治

後嵯峨院天皇邦仁上御門院第二皇子以仁治四年
癸卯即位寬元四年丙午脫屣文永九年崩改元一

寬元

後深草院天皇久仁後嵯峨院第一皇子寬元元年立
為太子四年丙午即位正元元年脫屣稱上皇改元四

建長

康元

正嘉

正元

龜山院天皇恒仁後嵯峨院第三王子正嘉二年立為
太子正元元年甲戌即位文永十一年脫屣改元三

文應

文永

建治

以下未詳
何主所改

正應

延慶

弘安

正安

嘉元

應長

正和

元德

元弘

嘉歷

以上東鑑所載自高倉院治承四年庚子訖文永三年丙寅凡九十四年世次可考其自文永以後可見者唯數號而已又其書所紀多關東國將軍之事不詳本國未知當中原何代然壽永二年癸

卯令大宋國陳和卿鑄佛其中又云聖武天皇至
安德天皇時四百餘歲考聖武當唐開元中立以
意推之蓋中朝南渡以後也

續考

乙丑日本國改元永鎮

明孝宗弘治十八年

正德七年壬申日本入貢武進陳端甫為南京禮部司
務時值宴勞來使問其國號乃是永鎮八年

癸酉日本國改元天政

明神宗萬曆元年

壬辰日本國改元文祿

萬曆二十年

乙未日本國改元慶長

見東鑑序

壬戌日本國改元寬永

見東鑑序

紅夷

紅夷在東南海外不知其傳次明熹宗天啓五年三月入犯浙江沿海敗去其改元可考者一

寬和

大理

蒙氏

高祖細奴羅其先世為渠帥以唐太宗貞觀三年己丑
伐昆彌張氏有國國號南詔唐授魏州刺史卒

世祖羅晟細奴羅子以唐高宗上元元年甲戌嗣立至
唐睿宗末卒

威成王羅晟皮羅晟子以唐玄宗先天元年壬子嗣立
至開元中卒

雲南王皮羅閣羅晟皮子以唐開元十六年戊辰嗣立
唐封為雲南王賜名歸義始合南詔為一盡有雲南地

神武王閣羅鳳皮羅閣子以唐天寶八年己丑嗣立始
叛唐改國號曰大蒙吐蕃封為東帝改元二

贊普鐘

長壽

舊唐書閣羅鳳臣吐蕃吐蕃令閣羅鳳為贊普鐘
號曰東帝結以金印蠻謂弟為鐘楊慎滇載記以
為改元贊普鐘豈即吐蕃之偽稱以為紀年之號
耶俟博雅者詳焉

孝恒王異牟尋閣羅鳳之子以唐代宗大曆十四年己

未嗣立改國號曰大理自稱曰東王僭封五嶽四瀆改元二

見龍

上元

孝文王尋閣勸異牟尋子以唐德宗貞元十五年己卯嗣立順帝永貞元年乙酉卒改元一

應道

幽王勸龍晟尋閣勸子以唐順宗永貞元年乙酉嗣立為其臣蹇顛所殺改元一

龍興

靖王勸利晟勸龍晟弟以唐憲宗元和元年丙戌為差
顛所立改元一

全義

昭成王晟豐祐勸利晟子以唐穆宗長慶四年甲辰嗣
位以武宗會昌末年卒改元二

保和

天啓

景莊帝世隆晟豐祐子始自稱皇帝改號大禮國冠唐

安南西川後寇越雋卒于景淨寺改元二

建極

一作建樞

法堯

見正閏考

宣武帝隆舜一名法世隆子以唐僖宗乾符四年丁酉
嗣立為豎臣楊登所弑改元二

貞明承智大同

見通鑑真載
記但曰貞明

嗟耶

孝哀帝舜化真隆舜子以唐昭宗乾寧四年丁巳立光
化四年為其臣鄭買嗣所篡蒙氏遂亡化真改元一

中興

右大理蒙氏十三世二百五十年

長和鄭氏

德桓帝買嗣本唐鄭回之後世為其國清平官以唐昭

宗光化五年壬戌立改國曰大長和卒改元一

安國

肅文帝旻買嗣子以梁開平中嗣立卒改元六

始元

天瑞景星

安和

貞祐

初歷

孝治

見正
閏考

隆亶旻之子旻卒嗣立未幾為其臣東川節度使楊千真所弒鄭氏遂亡隆亶改元一

天應

右長和鄭氏三世二十六年

趙善政其國清平官以後唐明宗天成三年戊子為楊千真所立改國號曰大天興僅十月復為楊千真所奪
改元一

興源

楊千真既立改國號曰大義寧二年為通海節度使段
思明所討走死改元二

尊聖

大明

見正
閏考

大理

段氏

太祖思平其先武威郡人始祖儉魏佐蒙氏為清平官
六傳至思平官通海節度使以後晉天福二年丁酉討
楊氏得國改國號曰大理改元二

文德

神武

見正
閏考

思英太祖子嗣立未幾卒私謚文經武畧皇帝

思良思英叔以後晉開運三年丙午立改元一

致治

思聰以後周廣順三年癸丑立改元三

明德

廣德

聖德

一作興聖

應道帝素順以宋太祖建隆四年癸亥立在位二十一年卒改元一

明正

昭明帝素英以宋太宗雍熙二年乙酉立在位二十四
年卒改元五

廣明

明應

明聖

明德

明治

玉海作
明統

敬明帝素廉以宋真宗大中祥符二年己酉立在位九
年避位為僧卒改元一

明通天聖

聖德帝素貞以宋仁宗天聖四年丙寅立在位十五年

卒改元一

正治

素興以宋仁宗慶歷元年辛巳立以無道為國人所廢
改元二

聖明

天明

世宗思廉以宋仁宗慶歷四年甲申為國人所立在位
三十一年卒改元三

保安

政安

政德

連義以宋仁宗熙寧八年己卯立為其臣楊義貞所弑
改元二

上德

廣安

楊義貞篡立四年段氏臣岳侯高智昇遣子昇泰起東
方兵討滅之復立段氏

壽光連義從子為高智昇所立 在位二年改元一

上明

正明世宗思廉庶孫以宋神宗元豐五年壬戌立避位

為僧國人遂奉善闡侯高昇泰為主段氏中絕正明改元三

保立

建安

天祐

大中國主高昇泰以宋哲宗元符二年己卯為國人所立改國號曰大中臨歿戒其子太明復奉段氏太明遂求段氏餘子正淳立之而世相其國昇泰改元一

上治

中宗正淳段氏宗室為高太明所立是為後理國在位

三十年傳位于子避位為僧卒改元三

天授

開明

文安

憲宗正嚴以宋徽宗大觀二年己丑嗣立在位四十年
避位為僧卒改元四

日新

永嘉

保天

廣運

景宗正興以宋高宗紹興十七年丁卯嗣立後避位為
僧卒改元四

永真

大寶

龍興

盛明

一作建德

宋王應麟玉海又有崇興大寶蓋龍興大保之訛也今正之

宣宗智興以宋孝宗朝道八年癸巳嗣立在位二十七年卒改元五年

利貞

盛德

嘉會

元亨

安定

亨大帝智連以宋寧宗慶元六年庚申嗣立在位三年卒改元一

鳳厯

神宗智詳智連弟以宋寧宗開禧元年乙丑立
在位三十三年卒改元一

天開仁壽

孝義帝祥興以宋理宗嘉熙三年巳亥立
在位十二年卒改元一

道隆

興智以宋理宗淳祐十一年辛亥立
壬子歲元憲宗遣

其弟呼必賚來伐其臣高太祥拒戰死興智被俘段氏
亡後元以興智為總管傳十二世訖元亡乃絕興智改
元一

天定

右大理段氏二十二主三百一十五年起丁酉盡

壬子

自杞

自杞國本西南蠻在廣西邕州化外北與大理接宋淳

熙三年其王阿謝立改元一

見宋知邕州
吳儆劄子

乾貞

交趾

丁氏

案交趾本中國地唐曰安南都護府五代時服屬南漢至丁部領始自建國

大勝王丁部領以謹州刺史討平管内之亂因自立為大勝王傳位于其子璉卒

交趾郡王璉部領子南漢節度使宋初內附為交趾郡

王卒

交趾郡王璿璉幼弟嗣立未幾為大校黎桓所篡

右交趾丁氏三世十三年

交趾 黎氏

南越王桓本丁氏大校以宋太平興國初得國封交趾
郡王進封南平以真宗咸平九年卒子龍廷弒兄龍鉞
自立

交趾郡王至忠本名龍廷以宋真宗咸平九年丙午自

立至大中祥符三年庚戌為其將李公蘊所篡

右交趾黎氏二世三十二年

始宋太平興國元年
訖大中祥符三年

案丁氏黎氏前史並云建國改元今無可考但以
其安南建國所由始因備載之

安南 李氏

太祖公蘊本黎氏大校以宋真宗大中祥符三年庚戌
得國立十九年戊辰卒孫日尊私謚為神武皇帝

王德政公蘊子以宋仁宗天聖戊辰嗣立二十七年乙

未卒

王曰尊德政子以宋仁宗至和二年乙未嗣位建國號曰大越自稱法天應運崇仁至道慶成龍祥英武睿文尊德聖武皇帝凡十七年卒改元二

寶象

神武

案玉海又載有天貺寶象一號愚謂曰尊既謂寶象必不更益二字以紀年或前史省文刪去天貺二字則未可知也

神王乾德曰尊子以宋神宗熙寧五年壬子嗣立
在位五十六年壬子卒改元二

彰聖嘉慶 泰寧

王陽煥乾德子以宋高宗紹興二年壬子嗣立
在位六年戊午卒

王天祚陽煥子以宋紹興八年戊午嗣立
在位三十七年卒

案交趾其王初立封交趾郡王進封南平卒贈南

越王至是天祚立竟封安南國王遂為故事

王龍翰天祚子以宋孝宗淳熙三年丙申嗣立在位三十五年壬申卒

王昊昂龍翰子以宋寧宗嘉定五年壬申嗣立後卒無子女昭聖主國事紹定二年禪位于夫陳日照李氏遂絕

右安南李氏八世共二百二十餘年

始宋大中祥符三年訖宋

紹定二年

安南 陳氏

太王日照其國愚多鄉人或云姓謝福建長樂人尚李氏女以宋紹定二年得國宋封安南國王自稱大越皇帝元兵來伐戊子傳位于子光昺宋封為太王卒

聖王光昺一名威晃日照子宋封為安南國王元因而封之在位二十年卒改元一

紹隆

仁王日烜光昺子以丁丑嗣立自稱憲天體道大明光

孝皇帝傳位于子日燭自稱太上皇後為僧卒至元十
四年光弼卒日烜立

英王日燭日烜子嗣位後元兵兩伐之不克而退卒改
元一

紹寶

安南國忠懿王益稷本國封昭國王元兵南伐歸附俾
以王爵居鄂州

明王日套日燭子嗣位後禪其子日曠

憲王日曠日煇庶長子嗣位後明王立其弟祿星

裕王日燿一名祿星日曠嫡弟嗣立明封安南國王卒
恭肅王之子嗣是為昏德公

昏德公日燿裕王兄子嗣立無道為明王第三子太師
叔明所廢幽殺之叔明攝位

案黎澄南翁夢錄裕王薨其兄恭肅之子立是為
昏德公為藝王所廢而實錄及安南傳俱云日燿
卒子日焯立日焯卒日燿嗣立日燿卒弟日燿嗣

為其兄叔明所殺與所紀不同蓋安南別立偽名
以通中國或傳聞之訛而黎氏世仕其國當不謬
也澄即偽大虞上皇子封衛國大王入中朝仕至
工部尚書

藝王叔明明王第三子立暮年遜位其弟日熾至順王
七年甲戌卒時中朝洪武二十七年

睿王日熾日熿弟為叔明所立三年伐占城卒叔明復
立其子日煒

靈德公日煒一名睨嗣立後無道為叔明所廢

順王日焜一名顥嗣立為黎季犛所弑

王曉順王子黎季犛立之旋被弑復立其幼子安尋又
弑之而自立陳氏遂亡日曉改元一

光泰

右安南陳氏十二世一百七十年

始宋紹定二年
訖明建文元年

黎季犛以明洪武末篡陳氏易姓名胡一元自謂舜裔
稱大虞太上皇以位授其子蒼改名奩僭稱皇帝中朝

建文元年立奎為安南國王永樂五年大兵南討俱俘于京師凡改元四

天成

聖元

紹成

一作
紹聖

開大

俱見討
安南檄

簡定陳氏故臣以明永樂六年舉兵作亂稱日南王偽稱陳氏裔尋立從子季曠為大越皇帝自為上皇明兵討擒之定改元一

興慶

陳季擴簡定從子稱大越皇帝永樂十二年明兵俘以

歸誅之季擴改元一

重光

續文獻通考
作慶元非

安南

黎氏

太祖利本清化土官以明成祖永樂十六年戊戌起兵
稱平定王宣宗宣德二年據有安南六年辛亥冊為權
署國事八年癸丑卒私謚高皇帝改元一

順天

太宗麟一名龍以甲寅嗣立正統中卒私謚文皇帝改

元二

紹平

大寶

濬一名隆基麟之子以正統中嗣立天順三年己卯為庶兄琮所弑改元一

太和

琮濬庶兄一名宜民弑濬自立其臣黎壽域等起兵殺之改元一

天興

聖宗灝一名思誠濬之弟天順中為國人所立孝宗弘治十年丁巳卒私謚淳皇帝改元一

光順

暉一名鐙灝之子以丁巳嗣立甲子卒改元一

景統

肅宗敬暉之子立未踰年而卒改元一

泰貞

厲愍王誼敬之弟以弘治末嗣立四年為其臣阮种等

所弒後諱立追謚為威帝改元一

端慶

靈隱王暹一名澄灝之孫錦江王瑤之子嗣立追謚父為德宗建皇帝以正德丙子為陳暠所弒後應立更謚為襄翼帝改元一

洪順

陳暠一名立孫為其國諒山都將與子暠昇攻陷安邦弒主自立國人討之退據諒山死改元一

天應

案王氏安南志凋為鄭綏鄭惟鏊所殺續通鑑則以為陳暠然其登庸赴于中朝曰前國王黎凋為暠所害鄭氏既奉黎寧與莫氏為難登庸不應反為之諱今正之

諛一名倚凋兄灝之子嗣封它陽王為國人所立謚其父為哲宗明皇帝後莫登庸作亂奔清華以嘉靖九年庚寅卒于老樞改元一

光紹

于文定筆塵作光照以為黎寧所改
今從續文獻通考及王氏安南志

應諲之弟諲奔清華以明世宗嘉靖元年壬申為莫登庸所立尋被魖卒偽謚恭皇帝改元一

統元

寧諲之子諲卒國人奉之為世孫嘉靖十三年甲午故臣萬勝侯鄭惟峻等共立之居清化之木州漆馬江改元一

元和

案黎氏之後朝廷令居漆馬江禁莫氏不得侵害
後寧卒舊臣鄭蘭立其子寵于西都寵無嗣復立
暉四世孫維邦傳次子維潭起兵攻殺莫茂洽復
有安南神宗萬曆二十四年丙申詔以為都統使
自後維潭卒子維新立維新卒子維祺立其赴于
中朝曰安南都統使寔帝其國中自若也

安南 莫氏

莫登庸安南之荆門人仕黎氏累官太傅仁國公進封

興安王遂弒慮自立為大越皇帝三年自稱太上皇明
兵討之降為安南都統使卒登庸改元一

大正

案登庸以嘉靖二十年辛丑降授都統使時方瀛已
先卒傳其孫福海滋翼茂洽三世茂洽復為黎維潭
所殺明令敬用居高平如黎氏漆馬江故事今尚存

附錄

蜀紀

萬通

蠶叢
帝

愚案改元始于漢武蠶叢開蜀實在洪荒之初烏
得遽有年名蓋蜀紀之誕也

道經

延康

赤明

龍漢

開皇

上皇

無極

永壽

雜記俳諧文

清寧

集異
記

大亥

雜記俳
諧文

大美

雜
記

歷代罷廢之號

神爵

宋孝武

文明

梁簡文

元慶

唐德宗

天元

唐德宗

通乾

唐高祖

平成

宋神宗

豐亨

宋神宗

美成

宋神宗

炎興

宋高宗

純熙

宋孝宗

明德

宋元太子

乾淳

宋理宗

開興

宋理宗

至平

宋理宗

執中清國

宋徽宗

慶祐

宋欽宗

歷代建元考卷十